

■ GLOSSINA

Las temas

DA LEO TUOR

La tema cardinala ei bein la tema da murir. Jeu hai fatg stem ch'ils pli gronds heroxs ein magari ils pli gronds bugliatgs cui han sez da murir. Quei ei zaco buca logic, aber igl ei aschia.

Quei fenomen anflein nus era tiels catschadurs: Pli grond mazzader ch'in catschadur ei e pli grond tgiacaultschas cu el ei sez vidlunder da murir. Schei buca a mi ch'il mund seigi buca zanistras: Nus vein gliued che maglian carn sco bovs, aber temessan da mazzar ina mustga. In che maglia carn cartess ins ch'el seigi era pipa da sez mazzar in tier,




aber na, ei dat massa magliacarns che laian mazzar ils auters.

Ussa dat ei naturalmeim aunc tschien e melli autras temas. La tema da piarder la plazza. Pervia da quella tema san ils superius practisch far cun lur collaboratur tgei ch'ei vulan. Il mender vida quella tema ei ch'ella cultivescha

ils letgatgils. Quella tema enconuschevan nos babs buc. Luvravan els gie en in temps che las plazzas fuvan segiras e sch'ils superius ballistravan savevan nos babs dir: Schi plai buc sche suffla en pegna.

Nus seregurdein aunc bein dad ina outra tema. Co ei fagevan tema cu gl uffiern cu ei gidava buca cul purgatiere e tarmettevan nus tuts giu la tegia sut. In di vein nus denton sefatg en ch'ei seigi pli interessant engiu ch'ensi e dapi lu ein ei buca pli vegni da far tema. Pia il cuntertissi encunter la tema ei savens fetg sempels: Ins sto mo volver entuorn il moni. Mo empruei inagada. Curascha!



Economia: La meglra vatga en uigl.

CARICATURA G. URSCH

■ SVIZRA



La bellezza dalla Greina san ins admirar la proxima fin d'jamna.

MAD

In «punct dubel» a Riom

Ursina Guldemon-Netzer e Rut Plouda prelegian a Riom

■ (cp) Gievgia, ils 25 da fanadur 2013 ha lieu l'inscunter litterar «punct dubel» – in'acziun comunabla da la Chasa Editura Rumantscha (CER) e da l'Uniun per la Litteratura Rumantscha (ULR). A las 20.00 prelegian Ursina Guldemon-Netzer e Rut Plouda en il center da cultura Sontga Crousch a Riom. Ellas prelegian texts publicgads, dentant pon ins er udir texts betg publicgads e material anc en elavuraziun – directamain or dal truet. En il discurs cun la moderatura Anita Capaul tradeschan las duas auturas anc dapli davart lur la-

vur litterara. Ursina-Guldemon-Netzer è creschida si a Savognin e viva oz ad Amsterdam; Rut Plouda, oriunda da Tarasp, viva a Ftan e sia ovra la pli renumada «Scho scha nügla nu füss» (2001) è cumparida l'onn 2011 sco cudesch auditiv en la CER.

Suenter la prelecziun han tuts la chaschun da dar ina baterlada durant in pitschen aperitiv. L'entrada a quest inscunter è libra. Las uniuns organisaturas sa legran da l'inscunter.

Il «punct dubel» è in'acziun da la CER e da l'ULR lantschada

l'onn 2011. Persunas ch'èn annunziadas per la purschida dal «punct dubel» retschaivan tut las publicaziuns da la CER directamain per posta a chasa, senza pajar porto ed avant la vendita uffiziala. Ultra da quai porscha il «punct dubel» inscunters litterars cun auturas ed auturs rumantschs.

Dapli infurmaziuns davart questa purschida datti sin www.litteraturarumantscha.ch u www.chasaeditura.ch «Punct dubel» a Riom: prelecziun dad Ursina Guldemon-Netzer e Rut Plouda, ils 25 da fanadur 2013 a las 20.00 en il center da cultura Sontga Crousch a Riom.



Ursina Guldemon-Netzer e Rut Plouda prelegian a Riom en il rom da l'inscunter litterar «punct dubel». FOTOS MAD

Magia dalla Greina

■ (anr/sr) La proxima fin da jamna, dil venderdis, ils 26 da fanadur tochen sonda, ils 27 da fanadur organischa la catschadura, ornitologa ed experta da jarvas Pirmina Caminada ina excursiun silla Greina. Da Puzzatsch meina ella sur il Pass Diesrut e vinavon sur pastiras ed uals tochen silla planira dalla Greina. La sera sa la gruppa da viandonts

schar puppergnar ella camona Terri (CAS) cun ina buna tscheina. Pirmina Caminada sa tradir biars misteris da quella bellezza cuntrada ed enconuscha era fetg bein la magia dalla Greina. La sonda meina ella ils participonts sur sendas veglias dils babuns anavos ella Val dalla glich Lumnezia. Sil program stattan era historias plein tensiun, anecdotes da temps

vargai e la catschadura garante-scha era captivontas investas ella moda da viver dils capricorns, dils camutschs e d'auters animals selvadis.

L'excursiun cuosta 150 francs per persuna, exclus ils cuosts per star sur notg e spisa en la camona dil Terri. Annunzia ein da far tochen oz messajma allas 09.00 a Pirmina Caminada, tel. 079 259 09 46.


■ L'AURA

Sulegliv – suenter mezdi urizis

Situaziun generala: Aria umida dal vest cuntanscha las Alps.

Oz: En l'entira Svizra avant mezdi per gronda part sulegliv. Suenter mezdi adina dapli nivels da cumulus e silsuenter urizis, per part intensiv e fermes. Temperaturas maximalas durant il di en il nord enfin 29 grads, en il sid enfin 30 grads.

Prognosas: En l'entira Svizra da gievgia enfin dumengia sulegliv e per part fitg chaud. Encunter saira urizis locals, surtut en las muntognas. Temperaturas maximalas durant il di tranter 32 e 36 grads.



■ FRINA FA PERINA 29

GIUVNETGNA CADI



ELS ENQUIERAN IN DUTG CUN ALIA FRESTGA E SEPIARDAN EGL LIALL.